



PROGETU IMOI ETOTU 2

Contu po is pipius - SU LUPU SÈMPIRI PRUS BONU

Àgata! Jonathan! Giulia! Martino!

Si nc'est fuiu calincunu de su zoo de innoi acanta!

Ita nci fadeis in sa bia? Labai ca no est unu giogu.

Torrai a domu!

Is gennas serradas, nemus in sa bia,

totu sa bidda est pentzendi ojamomia.

Is brebeis a meri bessint a passillai,

ma su lupu non arrennescit a dd'agatai.

Duas guardias circant su lupu,

ponint telecameras, cartellus,

e donant a totus unu sulitu

po ddu sonai chi bint calincuna cosa.

E ddu circant in ònnia logu, e chi calincunu abarrat a giru fintzas a tardu, s'arrennegant!

Giulia castiat cun su binòcolo.

E arrit! Totu circant su lupu,

ma est innoi, in pratza!

Giulia dd'at agiudau!

Dd'at fatu cuai in sa domixedda.

Ònnia mangianu, ddi ligit unu contu e ddi portat cosa de papai.

E apustis torrat a domu fadendi finta de nudda.



PROGETU IMOI ETOTU 2

Is guardias funt disisperadas.

E ant postu in presoni ònnia animali:

pisitus, canis, conillus, pillonis, totus!

Sa situatzioni est lègia.

Chistionant de su lupu me in is giornalis e fintzas in sa televisioni.

Tocat a agatai una solutzioni.

Giulia currit a scola.

Is cumpàngius suos puru funt arrennegaus po su chi est sutzedendi.

“ant arrestau su pisitu miu”

“su topixeddu miu puru”

“non ndi potzu prus!”

Giulia pigat coràgiu e narat: “Chi si poneus impari eus a binci!”.

E intzandus si ponint impari e studiant una manera de fai.

E decidint de si ponni totus impari a sonai su sulitu.

Fiiii Fiiii Fiiii.

E is guardias inghitzant a sighiri totus, currendi disisperaus de una parti a s'àtera.

“Bai-ti-nci de innoi” “Curri a domu” “Torra aintru”.

Totu sa noti aici.

Ma de su lupu, nudda.



Aaaaaa